



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 87. Galliarum Rex devictus, captusque

[urn:nbn:de:hbz:466:1-66495](https://nbn-resolving.org/urn:nbn:de:hbz:466:1-66495)

bitrio subjectum tenebat, potentiam subibat. Sæcul. XVI.
A.C. 1525.

§. LXXXVII.

*Gallarum Rex devotus, ca-
tusque.*

Ceterum Rex inter suorum cadavera adhucdum gladium manu tenens strenue dimicabat, ubi vero per ultimas cædes fuga elabi contenderat, accurrebant nonnulli hostilis equitatus Belliduces, qui quidem Regem de facie haud noverrant, ex armorum tamen splendore virum nobilitate primum suspicabantur; unde fugientem pressius insequentes eum in quodam loco valde angusto deprehendunt, occisoque ejus equo Regem eodem ictu in terram projiciunt, non sine magno vitæ suæ discrimine; nihilominus licet crure saucius in pedes tamen sese erexit, ac ferme solus irruentibus restitit. Supervenit Pomeranus, qui Borbonii Ducem ab illo, quo hic mota rebellionem e Galliarum regno discesserat, tempore constanter sequebatur: hic ergo Regem accessit, ac gladium stringens crebris ictibus milites cohibuit, qui Regem capturi turmatim accurrebant. Sub idem tempus Pomeranus Borbonium accersiri jussit, ut Franciscum Galliarum Regem captum exciperet. Ve-

*Mem. du
Bellai l. 2.
Ferron. in
Francis. I.
Ant. de Vera
hist. Car. V.
p. 110.*

Sæcul. XVI
A. C. 1525.

rum Rex indignatione in rabiem versa palam contestabatur, se potius mortem subituro, quam gladium suum proditoris manibus tradituro, moxque ad Pomeranum conversus eidem significavit, ut Lanoyum Neapolis Proregem adesse juberet; huic enim soli libenter se gladium suum tradituro asserebat.

§. LXXXVIII.

Rex porrecto gladio sese Neapolis Proregi captum tradit.

Steidan. in
Comm. l. 4.
p. 427.

Lanoyus rupta omni mora accurrit, ac sub venerationis specie quinquaginta omnino passus a loco, ubi detinebatur Rex, semotus equo descendit, quem propius adventantem Rex his verbis italo sermone allocutus, inquiebat: „Lanoye, Domine mi, en gladium Regis sua laude digni; priusquam enim illum cedere coactus fui, eodem ferro vestrum plures trucidavi, nec ob ignaviam, sed sinistræ fortunæ iniquitatem captus vestræ subjicior potestati „ Lanoyus flexo poplite ac exhibita reverentia gladium a Rege recepit, ejusque dexteram exosculatus, suum exemit gladium, eumque pari submissione Regi tradidit, dixitque: „Majestas sua meum acceptet gladium, qui plurium vestrum cruori pepercit; in-

33 con-